

地240.33

42

五：1-16

蕭山縣志稿

王仁溥署

蕭山縣志稿

一

民國二十

四年印行

蕭山縣志稿卷首

目錄

卷首

序

張序

陳序

施序

姚序

跋

楊跋

楊再跋

凡例

蕭山縣志稿

卷首

目錄

編輯人員姓氏錄

圖

蕭山縣縣境全圖

蕭山縣城區圖

蕭山縣公署平面圖

蕭山孔廟平面圖

蕭山縣立第一小學校舍平面圖

蕭山縣豫大倉平面圖

卷一

疆域

沿革

經緯

距離

衢路

城池

形勝

都圖

市鎮

村落

坊巷

風俗

物產

卷二

山川

山川

橋梁

驛站

營汛

卷三

水利

江海塘

閘壩

湖沼

河渠

蕭山縣志稿

卷首

目錄

二

運河附近閘壩

附錄

卷四

田賦上

田賦

卷五

田賦中

戶口

倉儲

蠲賑

水旱祥異

卷六

田賦下

地租

地租 附救生官田

地租 收租租課

雜捐

鹽課

卷七

建置上

壇廟

衙署

局所

公益

卷八

建置下

寺觀

卷九

古蹟

古蹟

冢墓

卷十上

蕭山縣志稿

卷首

目錄

三

學校

學校

卷十下

學校

書院

義塾

學堂

勸學所

宣講所

教育會

卷十一

紀事

盛典

兵事

卷十二

官師

表

傳

卷十三

選舉

選舉一

選舉二

卷十四

人物

列傳一

卷十五

人物

列傳二

卷十六

人物

蕭山縣志稿

卷首

目錄

四

列傳三

卷十七

人物

列傳四

卷十八

人物

列傳五

卷十九

人物

列傳六

卷二十

人物

洪楊之役殉節紳民表

卷二十一

人物

寓賢

方技

釋老

卷二十二

人物

列女傳上

卷二十三

人物

列女傳中

卷二十四

人物

列女傳下

卷二十五

人物

列女節烈表上貞孝附

卷二十六

人物

列女節烈表下貞孝附

卷二十七

人物

洪楊之役殉烈婦女表

卷二十八

蕭山縣志稿

卷首

目錄

瑣聞

遺聞軼事

卷二十九

瑣聞

方言謠諺

卷三十

藝文

書目

卷三十一

藝文

金石

卷三十二

蕭山縣志稿

卷首

目錄

六

藝文

詩文鈔

卷三十三

藝文

詩文鈔

卷末

舊序

蕭山縣志序

蕭山儒學志序

蕭山縣志稿序

蕭山縣志之重修創議於前邑令彭公事在民國三年稿成彭公去任遷延未刊迄今二十餘年矣宗海來長斯土恐此稿之就湮沒也欲謀所以刊之爰集士紳組織縣志修刊委員會討論斯事僉謂原稿首末二卷已經散失且謬誤尙多非經一度之校補不足以成完本乃延請江都楊君士龍董其事闕者補之贅者刪之訛誤者更正之錯雜者理董之凡四閱月而稿定檢付手民刷印成書於是二十年來未竟之功成於一旦夫縣之有志一邑之文獻所關亦萬衆之觀瞻所繫也其所以歷百年或十年必經重修者豈獨爲補遺計哉亦以時異勢殊風氣隨之而變不得不謀一結束耳此稿之成歷二十餘年論其體例於今日之潮流已多不合然當日秉筆者一番苦心又何可沒也且舊志未竣新志莫繼後之君子欲有所撰述勢必以絕續之交著手愈難因循坐視恐不惟前功盡棄抑且後效難期也今賴羣策羣力卒底於成余不獨爲此書幸且爲蕭山人幸矣是役也與會者趙君之錚王君文翰陳君樂歡王君銘恩何君丙藻蕭山縣志稿

卷首

序

一

來君嗣穀楊君在堃錢君福萃樓君馨元顧君士江來君鳳岐華君光翼王君仁溥諸人而旅杭邑人金君百順韓君秉彝實與有勞焉宗海不敏躬與其盛欣慰之餘因不揣譎陋而爲之序

中華民國二十四年三月蕭山縣縣長保定張宗海撰

蕭山縣志稿原序

有清乾隆十六年邑故令鄧州黃君鉅紹成蕭山志迄於今忽忽失修垂百數十載中更兵燹故家圖籍若存若亡無徵不信邦人之羞興廢舉墜守土者之責曾蔭奉檄蒞茲土乃前政武昌彭君延慶已修有端緒私心竊引以爲幸彭君以稿未竣事受代去邑人在職者指門襄纂黽勉從事迨積稿贏尺餘以無人總其成未爲完書私心竊又引以爲憾亦引以爲愧今年夏亟於簿書期會之暇徵前職諸君子相與討論一堂因專員理董之閱數月以成書見告矣蕭山一唐之繁縣也與省會隔一衣帶水聲名文物自昔稱盛地踞上游水陸交衝東望一錢亭古址劉太守流風遠焉西臨傍郭之陳習園何孝子強毅堅忍懷懷猶有生氣在北瞻浦灘文光夜射斗宮則毛檢討歸藏處南挹榆青之雄秀僉曰整敕戎備爲全邑保障昔瞿某以書生練武事是也苧蘿爲西施生長之村風月思玄度寓居之宅流連往事類皆騷人韻士所喜談若夫政治因而講求風土因而考察一名一志因而辨證忠孝節烈山林隱逸因而表章職任邑宰識

蕭山縣志稿

卷首

原序

二

大識小宜習掌故考鏡所在輯乘爲先黃志釐列細目斯志統攝大綱前後相望方策班班其事其文亦裁以其義而已嗚呼環球通道以來歐風東漸奚事此沾沾者爲方今士氣之發揚商貨之流馳土產之阜蕃民俗之異尙望古遙集曷嘗墨守舊聞昔人有言天道十年一小變三十年一大變邑志惟變所適亦期十年或三十年一修他日者文化益以盛實業益以興交通益以利美矣哉蕭山一邑其氣象當爲諸邑冠奚止是志所陳已哉曾蔭當新舊交錯之際遠溯諸黃君近踵諸彭君居然以數月蒞事欲以信今詎云傳後但思繼往遑問開來嗣有作者其棄我乎其取我乎是爲序

中華民國九年十一月署蕭山縣知事青縣陳曾蔭撰

蕭山縣志稿序

吾蕭山大邑也大邑無志邑人之羞也考舊志之存於今者惟清代康熙癸酉之劉志乾隆己巳之黃志迄今一百數十年其書已不多見予嘗懸重直求之輒不易得則前乎此者無論矣夫邑志者省志國志之所本邑而無志本不存矣况此百數十年間桑海之變遷政事之因革人文之遞嬗爲有志乘以來未有之大變閱時愈久湮沒愈多鳳翔少小離鄉又未習鄉邦文獻何足以議此共和肇建歲在癸丑前邑令江夏彭君延慶慨然有興修之議下商者再鳳翔乃首捐五千元爲邑人倡志局於是成立數年稿成而彭君已他調去任垂成之志又復停頓今諸鄉老鑒於成書之難不付剗腕且將湮沒爰商諸江都楊君釐正舊稿補其闕漏得以付印鳳翔垂暮之年獲觀厥成不可謂非厚幸而剗始之彭君早歿於寧海任所今墓木已拱矣追念往昔爲之撫然民國貳拾肆年乙亥拾月邑人施鳳翔序

蕭山縣志稿後序

吾邑修志人才有清一代遠如王晚聞汪龍莊先生輩近如韓螺山陳韶次先生輩或精史裁或明文例均未踵黃志而起革政後邑宰武昌彭公病爲缺典倡議興修爰集采訪延編纂設局從事瑩俊不才謬承坐辦之乏坐辦者掌管訪纂文稿及局中一切事務卽通俗所稱主任是也乃采訪甫齊編纂未畢彭公調省諸賢散歸繼任二三賢侯命瑩俊補完分纂諸稿而總纂職務在若絕若續間青縣陳公洩任憫書之散而無紀由無人總其成故特易林君國楨爲主任焉命瑩俊嗣職總纂並徵陳大昀湯在容田廷黻來裕昌四君子匡所不逮瑩俊辭不得請以今年六月授事十月歲事計成書三十二卷又首末兩卷由主任林君呈陳公鑒定曲荷賜序爲闔邑光其經過情形大略如此竊維修志專家若實齋章先生猶遭抨擊瑩俊何人敢秉斯筆况此時政學兩途新舊交錯重性貽謬欲免更難尙願大雅宏達舉遺失糾乖迕如毛先生之成刊誤一書不才幸焉在職諸君子亦與有幸焉

蕭山縣志稿

卷首

後序

四

中華民國九年十二月

鏡西姚瑩俊謹跋

蕭山縣志稿跋

昔江文通有言修史之難無出於志蓋詳之則連篇累幅不勝其載簡之則疏略脫漏考證難憑而况傳聞異辭毀譽失實辨之不審輒累全書以言乎難誠哉其難也蕭山邑志清代康熙間曾一再修之厥後迄於清末垂一百五十餘年無繼之者民國二年知縣事武昌彭君延慶謀修邑志設局採訪武昌楊君鍾義爲總纂蘄水陳君曾穀盧江陳君詩邑人陳君大昀胡君福培田君廷陂姚君瑩俊來君裕昌諸人爲分纂而姚君瑩俊實主局事輔之者來君裕昌也未幾彭去任楊亦未克始終其事乃由姚君繼續爲之搜殘補闕甫得成書而姚君歸道山矣其難如此今邑侯張君宗海大懼垂成之書不付剗闕久且散佚就湮亟謀所以刊之顧姚君遺稿體例未具編中論贊又闕而不備遂謀之於余余闇陋不學非所敢承而張君請之堅不得已姑就姚君原稿爲銓次體例並補其論贊之闕者余因是而有感焉姚君屹屹於茲者有年可謂其難其慎矣譔纂方志本非易事清代修志能馭以史法獨闢蹊徑自剏義例者實惟會稽章蕭山縣志稿

跋

五

實齋先生卓然名其家姚君茲編雖未必規仿實齋以自立異然亦有不苟同於流俗者其說具詳於余之代譔志例中獨惜不獲一識姚君相與上下其議論考證今古得失異同僅從其遺編中想像得之未能彷彿萬一亦事之滋可憾者也校勘既竣歸之張君而述其崖略如此以著姚君勤事之難能與事諸君子亦咸有勞焉例當備書以紀其實民國紀元後第一甲子乙亥仲春之月江都楊士龍叔聃氏跋

再跋

方志爲郡邑分類紀實之史與國史實同源而異流故有一時代之事實卽有一時代之方志窠臼相承不以爲異蓋有原始要終繁簡增損一以貫之之義焉不然一志之已足矣奚煩僕僕然及時修訂爲哉蕭有邑志宋元以來不詳載籍明永樂間知縣張崇奉敕重訂志書觀其序言前無專書所謂舊志者郡志而已

見康熙志
遺文門

厥後宣德弘

治正德嘉靖凡數修輯遠者六十餘年近者僅十餘年明代修訂可謂綦勤清踵明後僅康熙間一再修之厥後歷嘉道咸同光宣百五十餘年竟闕然矣共和肇建之初武昌彭君來知縣事亟謀修訂不可謂非知急當務也夫以邑志中斷百五十餘年之中間復經紅羊之劫文卷蕩失當時珥筆諸君子已感可徵之文獻不足而能補苴隙漏張皇幽邈以成清代未完之志書繼往開來之功有足多者未可以其不合時宜而非之蓋清鼎雖革所纂述者仍爲有清事實有自然之段落焉共和以來與民更始百度皆新廿餘年間可纂錄之事實已叢積正革故鼎新之良會如鐵道也公路也農產

蕭山縣志稿

卷首

再跋

六

工業之盛衰也貨幣物價今昔之同異也土貨外貨消費之比較也皆與民生有至大之關係爲方志所不可略者是在今後之明哲君子釐正義例重訂門類以續纂之矣近人余紹宋所譏龍游縣志不襲前人窠臼獨創義例實師承章實齋而變通之者然亦有可商榷處神而明之存乎其人今後續纂新志頗可取以爲法抑更有說者方志爲地方紀實之史與國史同其典重大率每三十年當修訂一次以古者三十年爲一世紀也此三十年中情遷勢移必不在少數苟選舉公正人士專其職責如古之左右史作有系統之纂錄則方志當更可觀舊時修志並無專職又無一定之程序柄政者官如傳舍視爲不急之務士大夫亦鮮有深切厝意者故明代修志雖至六七次其書今且絕迹清代康熙間僅兩修之其書今亦成珍本不能多見因之沿訛襲謬往往不免徒使掌故家資以聚訟逞其博辯而無裨於事實若方志有專司之人廣續有一定之程序期限近而文獻無虞不足傳佈廣而邑人家有其書茲弊其庶幾免乎方志爲地方利病得失之明鏡有徵斯可信匪細事也願以所懷質之明哲君子乙亥六月楊

士龍叔聃氏再跋

蕭山縣志稿

卷首

再跋

七

志例舉凡

一 舊志卷首列縣境城池衙署風景海塘湘湖各圖就楮幅之大小爲圖體之伸縮模其形似並無經緯比例非惟無用舛漏實多今以不能一一急事測量僅依新法測定爲圖凡六（一）蕭山縣縣境全圖（二）蕭山縣城區圖（三）蕭山縣公署平面圖（四）蕭山孔廟平面圖（五）蕭山縣立第一小學校舍平面圖（六）蕭山縣豫大倉平面圖其他暫從蓋闕

圖之爲用所以明形勢也城池而外江海湖沼塘堰閘壩之建置於水利關係至鉅均爲方志必不可少之圖他日從事測繪分圖均當補列入之

一 明萬歷舊志原分天文地理建置食貨人物列傳雜志七門仿諸史裁頗爲簡要清代康熙志衍爲十八門稍繁密矣猶不失史法乾隆志則平列其目至三十餘不復有綱目之別散而無紀爲方志體例之尤縛者茲編仍踵康熙志例併爲十三門門列若干子目雖猶是舊志之通例而分合異同之故頗可得而言焉

蕭山縣志稿

卷首

志例舉凡

康熙志省天文入地理併曰疆域是矣然猶泥分野舊套以在天之域自圓其說乾隆志則直以星野爲一門其實占星之學失傳已久古籍陳言轉相因襲等於具文不如竟省之爲是今首疆域不復列子目於分野惟於沿革中據近世輿地家實測之經緯度數定其地望庶較鑿空之分野爲準確也舊志言縣東西廣六十二里南北袤九十里此指南沙未併入時而言今併南沙各鄉之里數計入則廣袤自與舊志差異

康熙志於城池自爲一門坊里市鎮里至則屬諸疆域統系殊不分明今以城池入疆域而後都岡市鎮村落坊巷連類而及條理乃秩然矣

欲明一方之情況必先識一方之風土故風俗物產亦列疆域之二目焉

一 山川水利舊志均各自爲一門今仍之惟山脈無所變更而水道則時有通塞移易今師桑經酈注之意以水爲經而山脈系之橋梁驛站營汛則於交通兵防阨塞俱有關係故列爲山川子目其水利關於農田利害至鉅塘堰閘壩所以爲治

水之具也是以子目依類附之

一 有土斯有財田賦興焉茲編期於以簡御繁區之爲上中下三編上編根據康乾兩舊志詳其要略外惟宣統二年縣冊徵解存留各額全案可以爲有清一代賦法最近之標準其他同光間舊案及諸雜例並附之難以強爲分晰挂一漏萬故不列子目中編戶口倉儲蠲賑水旱祥異皆與田賦有關連者也下編地租雜捐鹽課亦屬財賦之範圍列子目者凡九法相因也而一代之典章制度可一以貫之矣

一 康熙志署廨祠祀俱各爲一門而以宮室附署廨爲子目陵墓寺庵仙釋附祠祀爲子目所謂宮室者茶亭義莊胥闈入焉乾隆志公署門則倉廩養濟院藥局醫學亦附入均不免陵雜失序茲編援明舊志例列建置一門而以壇廟衙署局所寺觀爲子目蓋以性質論是數者皆建置類也康乾兩舊志陵雜處不可爲訓加以矯正別於局所子目下增公益支目則名實不相戾矣

蕭山縣志稿

卷首

志例舉凡

一一

一 古蹟康乾兩舊志均列一門說者謂古蹟無關弘旨或主附於他目者然歷史掌故所係亦頗重要如固陵城越王臺之類有裨於史實匪細未可附於他目而省略之也茲編仍列古蹟一門以冢墓爲子目古冢同是古蹟夫豈有非類之嫌歟一同是建置而不可不別爲一門者學校是也學校爲崇祀孔廟所在地康乾兩舊志均別立一門不廁諸其他祠祀且學籍學田學廩附麗亦多爲一代風教文化之淵源誠重之也今亦仍其例而附以書院義塾學堂勸學所教育會諸子目至於學制之因時變更又當別論

一 康乾兩舊志均列武備而康熙志載汛兵外並及軍器庫有鐵九龍銃等武器乾隆志削之僅載汛兵之數是當時已知所謂武器不適於用矣今改爲紀事門以盛典兵事爲子目紀文武非常之事汛地兵額則移入山川門營汛子目中備識阨塞之要而已

一 郡邑職官稱官師謂縣官學官也明萬歷舊志原有官師表今援用之康乾兩舊

志則均仍稱職官志多分類排列若題名錄然殊無意義康熙志且並武職不載尤非平允其實武職有捍衛防禦之勞未可盡沒也茲編以表列之以時代爲經職官名目爲緯依其時代官制任事年月可詳者詳之爲表凡四（一）縣屬各官表（二）學官表（三）場官表（四）武官表其有政績遺愛者別爲傳表傳並立陽秋自見

舊志仿正史列職官一門而以名宦併入鄉賢是視職官名宦爲兩橛矣其實郡邑名宦卽職官之表異者職官有志而無傳豈名宦非職官歟不可解也今以名宦傳移入職官正其名曰官師蓋郡邑職官實可以官師括之非立異也

一 歷代選舉制度不同大都不外薦辟制科進士舉人貢生諸名色其以雜途進者種類亦繁康熙志疏略甚多乾隆志較康熙志爲詳矣然均以時代分類排比眉目殊不清晰茲分別以經緯表列之其無可經緯者亦分年類別爲表計表凡十（一）歷代選舉科目表（二）學堂考試出身表（三）歷代武科目表（四）仕籍表

蕭山縣志稿

卷首

志例舉凡

三

（五）仕籍補遺表（六）武仕籍表（七）封贈表（八）武封贈表（九）廕襲表（十）畢業生表附焉仕籍封贈廕襲原與選舉無關繁冗雖乖體例第以乾隆志既開其端不妨沿成規耳

一 康熙志於鄉賢以鄉賢隱逸孝義等標目若門類然然一鄉之公評在事實不在標榜若不得其人詳爲牽合緣飾以充篇幅於義何居茲依乾隆志例統稱爲列傳其無事蹟可詳者則表列之

寓賢卽流寓舊志多列此一門不過藉其人之聲望以爲山川生色而已苟非有裨益地方事蹟卽無意義今仍存之者亦所謂與其過而廢也毋寧過而存之耳方技釋老則當別論

列女有傳所以示風教方志之所重也茲編仍如鄉賢例不區其類別以時代之先後次之詳傳其事蹟其節烈貞孝及殉洪楊之難無事蹟可詳者乃表列之

一 正志遺佚或無類可歸而又不可刪之者則列爲雜志一門前明舊志本有此例